

Fesili mo le Iloiloga o Punavai

1. O a agavaa, faamoemoega, ma ni faapitoau o ono i ai o le tusitala?

Na aoao mai Peresitene Dallin H. Oaks o le Au Peresitene Sili e tatau ona tatou “faaeteete e uiga i uunaiga a le tagata o loo aumaia le faamatalaga. . . . O a tatou faaiuga faaletagata lava ia e tatau ona fua i faamatalaga mai punavai ua agavaa i le mataupu ma saoloto mai mea sese e mafai ona tupu mai uunaiga faaloloto” (Dallin H. Oaks, “Upumoni ma le Fuafuaga,” *Liahona*, Nov. 2018, 25).

2. O Ie a le vavalalata o le tusitala i mea na tutupu o loo faamatalaina?

A faamatala e se punavai se mea mai le talafaasolopito o le Ekalesia, ia fesili ifo ia te oe lava, o le a le mamao o le aluese mai o le punavai mai le mea na tupu o loo talanoaina. O tala e faavae i faamatalaga a tagata na faalogo i faamatalaga a isi tagata e masani lava ona tau le faatuatuaaina.

3. Pe o ‘alo ma le loto i ai le tusitala i faamaoniga o loo i ai ina ia taufaasese ai?

O ni isi o tusitala latou te aveesea ma le loto i ai ia mea moni taua ma le amanaia faamaoniga taua e lagolago ai o latou manatu faaalua faapitoa.

4. Pe o tuuina mai aoaoga ma mea na tutupu o loo tautalagia i lenei punavai i le anotusi talafeagai o o latou taimi, nofoaga, ma tulaga?

O ni isi o aoaoga ma mea na tutupu o le talafaasolopito e mafai ona fenumia’i pe a aveesea mai i le anotusi o o latou taimi ma nofoaga. O anotusi faaletalafaasolopito e aofia ai foi isi mea na tutupu na tupu i lena taimi (e pei o taua, faafitauli o le tamaoaiga, ma faiga faaagafesootai ma faaleupufai), ma le aganuu ma faamatalaga faafuainumera o le faitauaofai o tagata i se taimi ma se nofoaga faapitoa.

5. Pe o lagolagoina aoaoga ma mea na tutupu e ni punavai faaopoopo faatuatuaaina?

O le lagolago mai isi punavai faatuatuaaina e fesoasoani e faatulaga ai le sa’o o aoaoga faavae ma mea na tutupu faaletalafaasolopito.